



Publication	Astro Awani	Section / Page	Online	Date	31/12/2021
Headline	Nor Azman Dilantik Sebagai GEO Takaful Malaysia Berkuat Kuasa 1 Jan, 2022				

KUALA LUMPUR: Syarikat Takaful Malaysia Keluarga Bhd (Takaful Malaysia) telah melantik Nor Azman Zainal sebagai ketua pegawai eksekutif kumpulan (GCEO) baharu berkuat kuasa 1 Jan, 2022, menggantikan Datuk Seri Mohamed Hassan Kamil, yang akan bersara daripada jawatan itu menjelang akhir tahun selepas menerajui kumpulan itu sejak tahun 2007.

Pengerusinya Datuk Mohammed Hussein berkata Nor Azman tidak asing lagi dalam industri insurans dan takaful, beliau telah memegang pelbagai peranan dalam pengurusan kanan dan strategik dengan rekod prestasi cemerlang sepanjang 24 tahun dalam industri insurans hayat dan takaful keluarga sepanjang kerjayanya dengan institusi kewangan multinasional.

"Beliau akan memainkan peranan penting dalam memacu pertumbuhan perniagaan kumpulan kerana kami mensasarkan untuk meningkatkan perniagaan takaful keluarga kami ke tahap baharu dan mengukuhkan lagi kedudukan kami dalam industri tersebut," katanya dalam satu kenyataan hari ini.

Kepakaran Nor Azman dalam insurans dan takaful akan membantu Takaful Malaysia memasuki bab inovasi seterusnya dan mewujudkan visi bersama untuk mencapai kejayaan yang lebih besar.

"Kami yakin Nor Azman bersama-sama pasukan pengurusan akan menguasai pertumbuhan seterusnya dan mendorong Takaful Malaysia mengekalkan kedudukan sebagai peneraju pasaran dalam perniagaan takaful keluarga kerana kami berada pada kedudukan yang baik untuk terus membina momentum kukuh kami dalam pasaran.

"Melangkah ke hadapan, kami optimis tentang masa depan Takaful Malaysia dan meletakkan harapan supaya perniagaan kami berjalan lancar untuk menjadi peneraju yang berkebolehan serta memastikan rakyat Malaysia terus menikmati keselamatan kewangan dan mendapat manfaat daripada penyelesaian takaful komprehensif dan inovatif yang kami tawarkan," katanya.